



Chav Tswj Neeg Kawm Askiv Cov Kev Pabcuam
Koog Tsevkawm Pawg Neeg Tawm Tswvyim rau Neeg Kawm Askiv
(DELAC)
Kaum Hli 8, 2020 | 6:00 p.m. – 7:30 p.m. | Zoom Rooj Sibtham Saum
Huab Cua Cov Ntaubntawv Teev Tseg

Kev Zoo Siab Txais Tos & Cov Kev Pib Qhia

Alberto Becerra tau qhib lub rooj sibtham los ntawm txoj kev rov los saib dua cov yamntxwv uas feem coob siv nyob rau hauv Zoom, thiab tau piav txog txoj kev los hloov koj lub npe hauv Zoom licas yog ib tug niام txiv twg siv nws tus menuam lub computer. Nws tau los tham dua txog cov lus qhia txog yuav los siv qhov Zoom screen licas, cia lub pajtaub kaw twjywm yog tsis hais lus, yuav siv lub thawv sau ntawv licas thiab siv cov kev txhais lus licas, thiab lwm yam.

Nws, tom qab ntawd, tau lnug sawvdaws los qheb lawm lub pajtaub thiab los qhia lawv tus kheej thiab hais lawv lub npe thiab lub tsevkawm uas lawv sawvcev rau. Nws ua tsaug sawvdaws uas tau tuaj koom rau lub rooj sibtham.

Daim phiajxwm cov ntsiab lus nyob rau hmo no tau coj los saib txhua.

Alberto tau muab kablus txuas uas muaj cov ntaubntawv teev tseg nyob lub rooj sibtham dhau los tso nyob rau hauv lub thawv sau ntawv rau sawvdaws tau saib thaib tau nug yog hais tias muaj tej xav hais qhia lossis muaj cov lus nug; tsis muaj dabtsi.

Alberto, tom qab ntawd tau los pib qhia txog Dr. Lori Grace los qhia txog qee cov ntaubntawv tseemceeb.

Koog Tsevkawm Cov Ntaubntawv – Dr. Grace

Dr. Grace tau los qhia txog cov ntaubntawv tham txog lub cheeb nroog Sacramento County tab tom txav ntawm theem xim liab ntshav mus rau xim liab uas qhov no pub peb cov koog tsevkawm los xav txog txoj kev rov qab coj cov menuam kawmntaxv rov qab tuaj rau kev qhia ntawv hauv tsevkawm. Nws tau hais tias nws twb tau los nthuav qhia tawm cov qauv qhia ntawv uas sib txawv uas yuav coj nqes tes khiav haujlwm licas rau ntawm no nyob rau hauv pawg Tsoom Kav Tswj lub rooj sibtham lawm.

Dr. Grace tau los qhia txog cov qauv kev qhia ntawv uas yog tau coj los nthuav tawm nyob rau hauv Tsoom Kav Tswj lub rooj sibtham thiab tau muab qhia tawm cov ntaubntawv qhia txog cov kaujruam tom ntej yog dabtsi thiab los xav txog seb yuav coj cov menuam kawmntaxv rov qab tuaj rau hauv tsev kawmntaxv ho yuav ua licas; qee cov ntaubntawv uas tau tawm, thiab qee yam uas peb tau ua los sau kom tau cov niام txiv cov kev xav thiab tswvyim, thiab los teb cov nug txog cov qauv kev qhia ntawv.

Nws tau los sablag nrog lawv qhia txog lawv twb tau tauv cov koomtxoos mloog lus nrog nrog Neeg Kawm Askiv cov niam txiv, thiab qee yam uas lawv hnov los ntawm cov niam txiv yog tham txog kev kawm ntawv nrug deb uas lawv muaj ntawm yam kev ntxhov siab rau ntawd uas nws hais tias lub koog tsevkawm muab lawv cov neeg ua haujlwm coj los tso rau 3 pawg txawv. Muab cov menuam los nkag tsis tau rau hauv Zoom txhua lub sijhawm; ua li qhov ua tau ntawm kev kawm ntawv nrug deb thaum uas lawv cov menuam kawmtnawv tab tom nyob rau hauv Zoom; thiab kev txuas tau thiab qhov muaj zog ntawm internet tsis zoo.

Nws qhia meej hais tias peb tsis tau muaj ib hnub tseeb rau hnub rov qab tuaj kawm ntawv hauv tsevkawm nyob rau tam sim no, thiab qhov ntawm yog ib qho lawv yuav los tham nrog tsevkawm pawg Tsoom Kav Tswj nyob rau hauv Tsoom Kav Tswj cov kev cob qhia nyob yav tom ntej. Rov qab los rau kev qhia ntawv hauv tsevkawm tseem yuav yog ib qho txawv heev. Yuav pom zoo li ib qho sib xyaw ntawm kev qhia ntawv , a hybrid model, uas txhais hais tias muaj qee cov sijhawm kawm hauv chavkawm thiab qee cov sijhawm kawm nyob rau hauv Zoomd kev kawm nrug deb.

Dr. Grace tau piav hais tias feem ntau ntawm cov qauv kev qhia ntawv uas tau xam pom yog muaj ib nrab ntawm cov menuam kawmtnawv rov qab tuaj rau hauv chavkawm hos ib nrab ntawm chavkawm ntawd nyob tsev thiab nkag hauv zoom txoj kev kawm nrug deb thiab tom qab ntawd ho sib hloob ntawm ob pab pawg ntawd uas pawg sab tod ho tuaj rau hauv chavkawm. Nws tau piav cov cai muab tuaj ntawm Sacramento County Health Department uas tseev kom peb muaj ntau ntau ntawm cov kev ceefaj tiv thai rau kev nyabxeeb tso nyob muaj chaw ua ntej peb yuav coj cov menuam kawmtnawv rov qab tuaj kom thiaj li saibxyuas tau lawv txoj kev nyabxeeb.

She answered a question about having students who are working from home being able to stream in to the classroom with those students who are in person; and explained options such as this have to be agreed to by our teachers' union, but said these options are being discussed.

Dr. Grace tau rov los saib tham txog dua cov zoo thiab cov phem ntawm txhua tus qhav kev qhia ntawv uas nws tau piav los saud.

Nws tau hais tias peb yeej muaj ntau tus niam txiv muaj kev txhawjxeeb txog xa lawv cov menuam kawmtnawv rov qab tuaj, thiab ib daimntawv tshawbfawb twb tau xa tawm tuaj nug seb lawv tus menuam puas tseem xav nyob rau hauv txoj kev kawm ntawv nrug deb, yeebvim lawv muab ib qho kev xaiv rau tagrho cov menuam kawmtnawv tau xaiv los nyob twyjwm rau hauv kev kawm nrug deb kom tagrho hauv lub xyooo tsevkawm. Nws tejzaum yuav pom zoo li txawv zog ntawm qhov peb pom nyob rau tam sim no. Tejzaum yuav muaj qee cov kev sib hloov nyob rau ntawm cov xibfbw raws li qhov tsimnyog ua.

Ib tug niam txiv tau hais tias yog lawv teb daimntawv tshawbfawb ntawd tam sim no lawv hloov puas tau nyob rau lub Ib Hlis Ntuj. Dr. Grace tau hais tias lawv mam li ua li qhov lawv ua tau zoo tshaj plaws los yoog pawb rau peb cov menuam kawmtnawv thiab peb cov xibfbw. Nws tau hais tias yog ib tug niam txiv hloov siab ua ntej ntawm peb pib rov qab tuaj rau hauv tsevkawm no ces peb kuj yuav yoog pab tau nws, tiamsis yog hais tias ho hloov siab tom qab peb twb tau pib rov qab tuaj rau hauv

tsevkawm lawm no ces lawv yuav tsum tau los ua haujlwm raws li qhov teebmeem ntawd ib qho dhaub ib qho kev vim licas. Nws tau hais tias qhov kev nthauv tawm qhia txog cov qauv kev qhia ntawv twb muab tso nyob rau hauv koog tsevkawm daim website hauv qab koog Tsoom Kav Tswj Cov Rooj Sibtham, Board Meetings.

Nws tau hais tias nws zoo siab txias tos ob peb cov lus nug. Ib qho lus nug tau nug txog tus phiajxwm qhia ob hom lus, DI program. Dr. Grace tau hais tias lawv tseem tab tom ua haujlwm txog qhov ntawd los tawm ib lub tswyyim zoo rau qhov caijnyoog rau ob qho huvtibsi rau ntawm tus qauv qhia kawm sib xyaw, a hybrid model, thiab rau kev kawm nrug deb xwb.

Ib qho lus nug tau nug txog hais tias puas yuav muaj cov neeg ua haujlwm hauv kev noj qab haus huv (health officials) tuaj soj ntsuam seb tus txheej txheem khiav haujlwm rov los qhib tsevkawm yog ua licas, rov qab tuaj saib xyuas dua seb nws ho coj los khiav haujlwm licas kom thiaj li txo tau tsawg ntawm txoj kev sib kis tus kabmob virus. Dr. Grace tau hais tias peb muaj ntawm tus neeg ua haujlwm hauv cov tsevkawm uas lawv yuav pab rau ntawm cov kev saibxyuas kev nyabxeeb thiab peb cov neeg saib mob, cov nurses, twb tau ua haujlwm zoo heev los pab peb soj ntsuam, thiab tam sim no peb muaj ib lub tuamtxhab sab nraud uas lawv tuaj ncig xyuas txhua lub tsevkawm ntawm peb cov thajchaw los xyuas kom zoo hais tias peb muaj txhij txhua rau tagnrho cov txheej txheem ua los tiv thaiv tau kev nyabxeeb rau hauv txhua lub chavkawm kom paub meej hais tias peb yeej muaj kev npaj txhij rau rov qab coj cov menuam rov qab tuaj.

Ib qho lus nug tau nug txog qhov zoo thiab tsis zoo rau ntawm cov menuam kawmntawv uas rov qab tuaj sib piv nrog cov menuam kawmntawv uas tsis rov qab tuaj. Dr. Grace tau hais tias hais txog ntawm kev muab qhabnee rau cov menuam nws yuav tseem zoo li qub tsis txawv txav. Nws tau hais tias cov niام txiv yuav tsum tau txiav txim seb tus qauv qhia ntawv nyob tam sim no puas zoo rau lawv tus menuam lossis nws yog qhov tseemceeb tshaj uas tus menuam rov qab tuaj mus kawm ntawv hauv tsevkawm. Nws tau hais tias peb tab tom ua txhua yam li qhov peb ua tau los pab saibxyuas kom peb cov tsevkawm yeej yog ib qho chaw nyabxeeb zoo li qhov zoo tau thiab ua raws lis cov cai qhia tuaj, tiamsis peb kuj totabu yog hais tias cov niام txiv xav cia lawv cov menuam nyob hauv kev kawm nrug deb.

Lwm qhov lus nug, yog peb cov menuam nyob twjywm nram tsev, lawv puas yuav tau lub xibfwb qub lossis ib tug xibfwb txawv? Dr. Grace tau hais tias peb tsis paub, tejzaum lawv kuj yuav tau ib tug xibfwb txawv los kuj muaj thiab, tiamsis peb yuav los sim thiab cuam tshuam tabkaum peb cov chavkawm kom tsawg li qhov tsawg tau. Nws tau qhia raws li nyob rau hauv tus qauv qhia ntawv thib ob nws tau hais tias yog ua tau li qhov kev ua peb kuj yuav tso lawv nyob tau tus xibfwb qub. Peb kuj paub peb muaj qee tus xibfwb uas yuav tuaj qhia ntawv tsis tau nyob hauv tsevkawm yog li no thiaj li yuav muaj tshem tawm cov menuam kawmntawv thiab coj los mus tso rau cov xibfwb tshiab uas phim nrog lawv. Nws tau hais peb xav kom hloov tsawg li qhov tsawg tau tiamsis peb yuav cog lus tsis tau hais tias koj tus menuam yuav nyob twjywm nrog tus xibfwb qub ntawd.

Lwm qhov lus nug, Yuav tshwm sim dabtsi yog hais tias ib tug niام txiv tsis xav kom lawv cov menuam rov qab tuaj rau tsevawkm? Dr. Grace tau hais tias yeebvim yog li no

peb thiaj li xav kom nej los ua kom tiav daimntawv thov cia kawm twjywm hauv kev kawm nrug deb, hauv online. Lawv yuav tsum hu tuaj cuag lawv lub tsevkawm tus thawj coj yog hais tias lawv tseem tsis tau txais daimntawv thov es lawv thiaj li mam xa daimntawv thov tuaj rau lawv los ua kom tiav thiab xa rov qab tuaj thaum no mam lawv cov menuam thiaj li yuav raug tso nyob rau hauv daimntawv kev kawm nrug deb.

Ib qho lus nug tau nug txog seb yuav lav tau licas hais tias ib tug menuam kawmtnawv yuav tsis kis tau tus kabmob thaum lawv rov qab tuaj hauv tsevkawm. Dr. Grace tau hais tias peb yeej lav tsis tau qhov ntawd, qhov peb lav tau yog qhov uas peb yuav yuav los mus ua txhua yam kev tivthaiv ua ntej, kev xyuamxim, raws li qhov peb ua tau kom tsis txhob tso lawv sib xyaws ntawt ntawt thiab yeebvim yog li no peb thiaj li tab tom ua haujlwm cais cov menuam nyob rau hauv cov pabpawg tsis pub ntawt tshaj 15 mus rau 17 tus menuam kawmtnawv kawm uakev es kom cov no thiaj li yog tib co menuam kawmtnawv qub uas lawv yuav niaj hnub kawm nrug thiab sibtxuas lus nrog xwb thaum lawv tuaj kawm ntawv hauv tsevkawm.

Qee cov niam txiv tau hais tias lawv ntshai los ua daimntawv tshawbfawb thiab xav tsam lawv ho raug cais yog hais tias lawv ua daimntawv. Dr. Grace tau hais tias ib qho kev siv rau ntawm daimntawv tshawbfawb ntawd yog rau txoj kev txheeb cov niam txiv uas xav cia lawv cov menuam nyob twjywm hauv kev kawm nrug deb.

Dr. Grace tau hais tias yuav kom peb los rov qab qheb cov tsevkawm thiab paub hais tias peb yuav siv tus qauv qhia ntawv twg, peb yuav tsum paub hais tias muaj ntawt npaum licas tus niam txiv thiab cov menuam kawmtnawv xav nyob twjywm rau hauv kev kawm nrug deb, nws yog ib qho zwjceeb uas nyuaj heev kawg kiag.

Ib qho lus nug tau nug txog, rau ntawm cov tsevkawm theem pib (elementary) cov menuam nyob tom tsevkawm ntev npaum licas? Dr. Grace tau hais tias nws yog ntev li ntawm 166 feeb, yog li 2 ½ teev ua ntej lub caij tso tawm los mus noj su, rau tus phiajxwm qhia ntawv ib nrab hnub. Rau tus phiajxwm qhia ntawt tagrho ib hnub, nws yuav yog li 6 teev.

Dr. Grace tau piav hais tias yeebvim peb muaj ib co xibfwb uas muaj kev mob nkeeg uas txawv lawv rov qab tuaj qhia ntawv hauv tsevkawm, yog li no peb thiaj li yuav coj qee cov menuam kawmtnawv uas kawm hauv kev kawm nrug deb los phim nrog cov xibfwb ntawd. Nws tau hais tias peb yuav sim ua li qhov peb ua tau kom tsawg li qhov tsawg tau uas tsis txhob tus xibfwb rau cov menuam kawmtnawv, kom thiaj li tsis txhob cuam tshuam, tabkaum cov menuam kawmtnawv rau lub sijhawm ntawm no hauv lub xyoo tsevkawm ntawm no.

Dr. Grace tau ua tsaug rau sawvdaws thiab tau ua tsaug rau Alberto uas tau muab lub sijhawm rau nws los tham lus nyob hauv lub rooj sibtham daimntawv komtswj.

Alberto tau sau ib qho soblus rau hauv lub thawv sibtham; nws tseemceeb heev uas ib txoj hau kev twg los xij uas cov menuam kawmtnawv yuav tsum tau kev kawm toj mus ntxiv thiab peb yuav tsum ua siab loj xav rau qhov zoo twjywm toj mus ntxiv.

Lub Homphiaj ntawm DELAC/ELAC

Alberto tau los rov saib xyuas, tham txog cov ntaubntawv hauv cov slides rau sawvdaws, los piav txog peb 3 qho chaw kev mob siab rau, focus areas, peb lub koog tsevkawm cov homphiaj. Nws tau los tham txog cov duab qhia pabpawg haivneeg kawm thiab cov thawj hom lus uas lawv muaj nyob rau hauv peb lub koog tsevkawm, uas yog lus Askiv thiab lus Mev yog ib hom lus muaj neeg ntau tshaj.

Alberto tau los tham txog ntawm lub homphiaj ntawm pawg DELAC, Koog Tsevkawm Pawg Neeg Tawm Tswvyim rau Neeg Kawm Askiv. Ib pabpawg tawm tswvyim rau ntawm lub koog tsevkawm pawg tsoom kav tswj saibxyuas hauv zej zog ntsig txog cov phiajxwm kev pab thiab cov kev pabcuam rau cov neeg kawm Askiv, los pab peb tsim cov tswvyim kev npaj thiab yog ib txoj hau kev uas pub koj los qhia txog koj cov tswvyim thiab kev xav tuaj rau peb paub es peb thiaj li paub qhia rov qab rau peb cov thawj coj.

Cov tibneeg muaj nyob rau hauv pawg DELAC, peb yuav tsum muaj 51% ntawm peb cov tibneeg lossis cov neeg sawvcev hauv pawg yuav tsum yog cov niam txiv ntawm cov menuam kawm Lus Askiv, qhov seem ntawm 49% no kuj yog tau rau ntawm cov niam txiv ntawm cov menuam kawm uas tsis yog neeg kawm Askiv. Ib tug txheem txheej kev xaiv tsa yuav tsum muaj nyob txhua lub tsevkawm thajchaw los xaiv cov neeg sawvcev rau ELAC. Qee cov dejnum feemxyuam ntawm pawg no yog los sablaj thiab tawm tswvyim rau tsevkawm pawg tsoom kav tswj thiab qhia txog lawv cov kev xav thiab lus qhia uas tham txog txoj kev txhim kho kev loj hlob rau ntawm peb lub koog tsevkawm lub tswvyim loj, master plan, rau txoj kev los cobqhia cov neeg kawm Askiv.

Neeg Kawm Askiv Cov Phiajxwm Kev Pab thiab Cov Kev Pabcuam

Alberto tau los tham txog Neeg Kawm Askiv cov phiajxwm kev pab thiab cov kev pabcuam uas muaj. Lawv muaj xws li kev txhais lus rau ntaubntawv thiab tsevkawm kev sibtxuas lus nyob rau hom lus uas tsimnyog siv; muaj koog tsevkawm cov neeg txhais lus uas tuaj koom rau hauv cov rooj sibtham, thiab lwm yam, tam li qhov xav tau, thiab muaj cov siv cov tuamtxhab sab nraud cov kev pabcuam txhais lus.

Ib qho lus nug tau nug txog yuav tshwm sim licas yog hais tias tsis muaj neeg sawvcev tuaj hauv ib lub tsevkawm rau pawg DELAC. Alberto tau hais tias peb twb tau nug tsevkawm cov thawj coj tag lawm kom nws tsim lawv pabpawg ELAC yeebvim cov neeg sawvcev rau hauv DELAC ces twg yog cov neeg nyob rau huav cov pawg ELAC ntag. Peb yeej ibtxwm txhawb siab rau lawv kom lawv xyuas kom zoo hais tias lawv muaj ib tug neeg sawvcev tuaj rau hauv DELAC. Nws tau hais tias ntawm no yog ib qho tsis zoo rau lub tsevkawm uas tsis muaj ib tug sawvcev rau DELAC thiab yeebvim yog li ntawm peb thiaj li muaj kev ua tsaug ntau rau peb cov neeg uas tuaj koom rau hnub no los mloog txog peb cov ntaubntawv uas peb qhia tawm tuaj rau peb cov niam txiv thiab cov tsevneeg.

Daimntawv Tshawbfawb Hom Lus Nram Tsev tau coj los sibtham. Daimntawv no ua rau peb paub hais tias peb yuav tsum tau cob qhov kev xeem ntawv thawj zaug ELPAC rau ib tug menuam kawmntaxwv twg. Ua ntej uas yuav los cob qhov kev xeem ntawv yuav tsum muaj ib tsabntawv qhia txog ua ntej yuav xeem qhov thawj zaug ELPAC xa

tuaj rau nram tsev paub. Alberto tau hais tias yog ib tug niam txiv tau txais tsabntawv yeebvim tau ua ib qho yuamkev nyob hauv daimntawv Tshawbfawb Hom Lus Nram Tsev, lawv kuj kho thiab hloov tau tam li qhov tsimnyog rau daimntawv tsawbfawb.

Alberto tau piav hais tias thaum uas tus menuam kawmowntawv ua qhov kev xeem ELPAC, tus niam txiv mam li yuav tau txais ib tsabntawv qhia rau lawv paub txog qhov kev xeem ntawm cov qhabnee yog zoo licas. Tus menuam kawm thaum ntawm yuav raug txheeb tam li yog ib tug neeg kawm Askiv lossis ib tug neeg txawj Askiv zoo tsimnyog. Nws tau tham txog cov phiajxwm kev pab thiab cov kev pabcuam uas muaj muab rau raws li lawv cov kev xav tau tshwjxeeb.

Yeebvim lub rooj sibtham lub sijhawm kuj tau txav los ze ntu kawg lawm thiab, Alberto thiaj li tau nug yog sawvdaws tsis xav li no ces mam li txuas ntawm no toj mus ntxiv nyob rau lub rooj sibtham tom ntej, los piav ntxiv txog cov phiajxwm kev pab txawv uas peb muaj tso muaj chaw los pab peb cov menuam kawmowntawv nyob hauv qab ntawm lub Chav Tswj Neeg Kawm Askiv Cov Kev Pabcuam. Cov ntiv tes xoo tau tsa pom zoo.

Alberto tau ua tsaug sawvdaws rau lawv txoj kev tuaj koom nyob hmo no thiab cia siab hais tias yuav ntsib sawvdaws dua rau lub rooj sibtham tom ntej.